



Pranimi / Dostizhet Primenje / Prostoje Korrespond. Dostizhet	24. 01	9	VIII grad vitet
Organ / Organizata Org / Organiz. Org / Unit	SKOPSHTUK	437/2024	1/6



Republika e Kosovës  
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.1508/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Malsore Gashi-Bajraktari -kryetare, Arben Mehmeti dhe Ardita Haxhnikaj-Demi-anëtarë, me Ilire Mehmeti-Shaqiri-Zyrtare e Lartë për Bashkëpunim Profesional në cilësinë e procesmbajtëses, kanë shqyrtuar ankesën me numër A.nr.1508/2023 të datës 11.12.2023 e parashtruar nga ankuesi

kundër Vendimit KD.nr.062/2023 të datës 16.11.2023 të Komisionit Disiplinor të Shërbimit Korrektues të Kosovës, në çështjen juridiko-administrative "masë disiplinore", duke vepruar në pajtim me nenin 6, paragrafi, 1 nën paragrafi, 1.1, nenin, 16 paragrafi, 3 dhe nenin, 18 paragrafi, 1 nën paragrafin, 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 23.01.2024, mori këtë:

V E N D I M

- I. Refuzohet si e pabazuar ankesa me numër A.nr.1508/2023 e datës 11.12.2023 e parashtruar nga ankuesi
- II. Mbetet në fuqi Vendimi KD.nr.062/2023 i datës 16.11.2023 i Komisionit Disiplinor i Shërbimit Korrektues të Kosovës.

A r s y e t i m

Ekipi për mbikëqyrjen e Institucioneve Korrektuese më datë 13.10.2023 kanë vizatuar Qendrën e Paraburgimit në Gjilan, dhe më datë 18.10.2023 ka përgatitur planin e punës për mbikëqyrjen e Institucioneve Korrektuese, ku tek fusha e Menaxhimit të Burgosurve me Probleme të Shëndetit Mendor, është konstatuar se janë shikuar video incizimet e sistemit CCTV ku nga pamjet e kamerave datë 12.10.2023 nga ora 23.55 është vërtetuar se zyrtarët korrektues nuk kanë vepruar sipas obligimeve dhe përgjegjësit që kanë sipas detyrës zyrtare me çrast ndaj të burgosurve N.D, A.K dhe I.R nuk është bërë mbikëqyrja e shtuar nga

zyrtarët të cilët kanë qenë në detyrë në pavijonet përkatëse ku kanë qenë të vendosur këta të burgosur konkretisht krahu P-2, krahu L-3 dhe Krahu L-5.

Mbi bazë të këtij raporti më datë 20.10.2023 ndaj ankuesit është parashtruar kërkesë për iniciimin e procedurës disiplinore pranë Komisionit Disiplinor me pretendimet për shkelje disiplinore.

Komisioni Disiplinor i Shërbimit Korrektues të Kosovës më datë 16.11.2023 ka nxjerr Vendim KD.nr.062/2023 me të cilin ankuesin e ka shpallur përgjegjës duke i shqiptuar masën disiplinore "ndalimi i 20% e pagës për periudhën një (1) muaj".

Ankuesi, kundër Vendimit KD.nr.062/2023 të datës 16.11.2023 të Komisionit Disiplinor të Shërbimit Korrektues të Kosovës, më datë 11.12.2023 ka parashtruar ankesë me numër protokoli 7385/2023 në Këshillin e Pavarur Mbikëqyrës për Shërbimin Civil të Kosovës, për shkak të vërtetimit të gabuar të gjendjes faktike dhe shkeljeve procedurale.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 26.12.2023 ka proceduar kërkesën për përgjigje në ankesën e ankuesit tek Shërbimi Korrektues të Kosovës. Ndërsa Këshilli më datë 29.12.2023 ka pranuar nga Shërbimi Korrektues të Kosovës përgjigjen në ankesë së bashku me shkresat e bashkangjitura.

*Kolegji për Shqyrtimin dhe Vendosjen e Ankesave, për vërtetimin e plotë dhe të drejtë të gjendjes faktike si dhe vendosjes në mënyrë meritore, ka administruar këto prova:* Ankesën me numër protokoli 7385/2023 të datës 11.12.2023 të parashtruar nga ankuesi Q.S në Këshillin e Pavarur Mbikëqyrës për Shërbimin Civil të Kosovës; Planin e punës për mbikëqyrje te Institucioneve Korrektuese të datës 18.10.2023; Pranimi në vendin e punës për datat 11.10.2023; Pranimi në vendin e punës për datat 12.10.2023; ; Vendimin me numër KD.nr.062/2023 i datës 16.11.2023 të Komisionit Disiplinorë në Shërbimin Korrektues të Kosovës; Kërkesën për përgjigje ne ankesë te datës 26.12.2023; Përgjigjenin ne ankesë te datës 29.12.2023; Kontratën e punës për ore të pacaktuar; Përshkrimin e detyrave të punës te datës 31.07.2019; Iniciimi i procedurës disiplinore; Raportimi mbi gjendjen disiplinore të datës 02.10.2023; Ftesën për interviste të datës 24.10.2023; Flete kthesën e datës 20.11.2023; Vendimin me numër KD.nr.062/2023 të datës 16.11.2023 te Komisionit Disiplinorë në Shërbimin korrektues të Kosovës; Procesverbalin e intervistës së datës 26.10.2023; Planin e punës dhe vendi i punës së datës 14.10.2023; Formularin për regjistrin e stafit korrektues gjatë hyrje/ dalje ne pune për gjatë 24 ore ne QPGJ të datës 14.10.2023; Prania ne Pune dhe vendi i punës së datës 11.10.2023; Formularin për regjistrin e stafit korrektues gjatë hyrje/ dalje ne pune për gjatë 24 ore në QPGJ të datës 10.10.2023; Plani i punës për Mbikëqyrje te Institucioneve Korrektuese të datës 18.10.2023; Orari mujor për të burgosurit për datën 01.10.2023 deri me datën 31.10.2023; E-malin e datës 14.10.2023 nga Sh. S drejtuar M.D; Vendimin me numër protokoli 1033 të datës 16.10.2023; Vendimin me numër 1036 të datës 17.10.2023; Rekomandimin nga komisioni multidisiplinore për rastin A.Kadri; Emalin e datës 17.10.2023 të M.D drejtuar Shkresën e datës 16.10.2023 lidhur me

IBI  
11/11/2023  
16:00  
DSDI  
D-5010

dokumentacionin për përcaktimin e rrezikut për vetëvrasje; Vendimin e datës 16.10.2023 të e komisionit multidisiplinore për vlerësimin e gjendjes shëndetësore të burgosurve me mbikëqyrje të shtuar; Vendimin me numër 1037 të datës 17.10.2023;

Kolegji për Shqyrtimin dhe Vendosjen e Ankesave, pas shqyrtimit dhe analizimit të shkresave të lëndës të parashtruara nga palët në procedurë, konstatoi se ankesa e ankuesit është e pabazuar, *sepse*:

Ankuesi i punësuar sipas Kontratës së Punës për Kohë të Pacaktuar të datës 15.07.2020 është i punësuar në pozitën e punës *Zyrtar Korrektues*, në Qendrën e Paraburgimit në Gjilan në kuadër të Shërbimit Korrektues të Kosovës, në ankesën e parashtruar kundër Vendimit KD.nr.062/2023 të datës 16.11.2023 të Komisionit Disiplinor të Shërbimit Korrektues të Kosovës në Këshillin e Pavarur Mbikëqyrës për Shërbimin Civil të Kosovës, pretendon se Komisioni Disiplinor nuk ka marr parasysh provat e lëndës ngase më datë 10.10.2023 prej orës 07-19 kam qenë në punë dhe prej datës 11.10.2023 nga ora 19:00 deri më datë 12.10.2023 në orën 07:00 kam qenë në punë ndërsa për datat 12.10.2023 nga ora 07:00 deri më datë 14.10.2023 në orën 07:00 kem pasur ditë të lira dhe nuk kam qenë në punë.

Në kuptim të vendosjes meritore lidhur me këtë çështje juridiko-administrative, Kolegji i Këshillit, i'u referua dispozitave të Ligjit Nr. 08/L-197 për Zyrtarët Publikë përkitazi me rregullimin e procedurës dhe përgjegjësinë disiplinore të nëpunësve civil, gjegjësisht Kolegji analizoj:

Neni 55, përcakton: *"1. Nëpunësja/i civil mban përgjegjësi disiplinore për shkelje të detyrave dhe përgjegjësi, në rastet kur nuk kryen detyrat që i janë dhënë, kur bën zbatim jo të duhur të tyre apo kur gjatë ushtrimit të tyre vepron në kundërshtim me Kushtetutën, ligjet dhe akte të tjera nënligjore në fuqi. Shkelja disiplinore mund të bëhet me veprim apo mosveprim"*.

Neni 56, përcakton: *"1. Shkeljet e detyrave dhe përgjegjësi të punës mund të jenë: 1.1. shkelje të lehta; 1.2. shkelje të rënda. 2. Shkeljet e rënda të detyrave dhe përgjegjësi të punës janë të përcaktuara me ligj, ndërsa shkeljet e lehta janë të përcaktuara me ligj dhe rregulla të brendshme. 3. Shkelje të lehta konsiderohen: 3.1. mungesa e paarsyeshme në punë deri në dy (2) ditë pune radhazi; 3.2. mosrespektimi i orarit të punës; 3.3. sjellja jo e mirë gjatë kohës së punës, me mbikëqyrëset/it, koleget/ët, vartëset/it dhe me publikun; 4. Shkelje të rënda konsiderohen: 4.1. mospërmbushja e detyrave të punës; 4.2. neglizhencë e vazhdueshme në përmbushje të detyrave të punës; 4.3. mosrespektimi i afateve të caktuara për përmbushjen e detyrave të punës; 4.4. moszbatimi i dispozitave ligjore për përmbushjen e detyrave funksionale; 4.5. veprimet apo mosveprimet që kanë shkaktuar pasoja; 4.6. shkelja e rregullave të përcaktuara në kodin e etikës; 4.7. sjellje e papërshtatshme që dëmton reputacionin e shërbimit civil; 4.8. vënia në lajthitje e organit publik përmes dhënies së informatave të gabuara ose fshehja e të dhënave zyrtare kur kërkohen për qëllime zyrtare; 4.9. përfitimi apo ofrimi në mënyrë të drejtpërdrejtë ose të tërthortë të dhuratave, favoreve, premtimeve ose trajtimeve preferenciale që ndodhin për shkak të detyrës; 4.10. braktisja e punës ose mungesa e paarsyeshme dhe e vazhdueshme për tri (3) ose më shumë ditë pune; 4.11. përsëritja e shkeljeve të lehta disiplinore dy (2) apo më shumë herë; 4.12. moslajmërimi i shkeljeve të rënda që lidhet me detyrat e punës nga nëpunësja/i civil; 4.13. dëmtimi i pasurisë shtetërore, përdorimi i saj jashtë përcaktimit zyrtar apo keqpërdorimi i pasurisë shtetërore; 4.14. shkelja e rregullave për ruajtjen*

e informacionit dhe dokumenteve të klasifikuara; 4.15. përdorimi i narkotikëve dhe substancave të tjera narkotike të ndaluara; 4.16. përdorimi i alkoolit në vend të punës ose ardhja e/ri dehur në punë; 4.17. keqpërdorimi i detyrës zyrtare lidhur me procedurën e rekrutimit nga anëtarët/ët e komisionit të rekrutimit që janë shërbyes civil; 4.18. ngacnimet në vendin e punës apo gjatë ushtrimit të detyrës, që cenojnë integritetin moral dhe fizik, si dhe ato seksuale; 4.19. diskriminimi mbi baza gjinore, racore dhe të tjera, sipas Ligjit përkatës Kundër Diskriminimit; 4.20. shkelja e detyrimeve të përcaktuara në këtë ligj dhe në legjislacionin në fuqi”.

Po ashtu Kolegji i Këshillit, i'u referua dispozitave të Ligjit Nr. 08/L-131 për Shërbimin Korrektues të Kosovës përkitazi me rregullimin e procedurës dhe përgjegjësinë disiplinore të nëpunësve civil, gjegjësisht Kolegji analizoj:

Neni 58 përcakton: “1. Përveç shkeljeve të parapara në Ligjin për Zyrtar Publikë, personeli i SHKK-së përgjigjen edhe për shkeljet disiplinore të veçanta. 2. Shkelje të lehta disiplinore për personelin e SHKK-së konsiderohen: 2.1. është i pasjellshëm apo fyes në fjalë apo në vepra, ndaj te burgosurve, punonjësve tjerë dhe publikut, gjatë detyrës apo në rrethana që kanë të bëjnë me detyrat e tij; 2.2. angazhohet në aktivitete politike që ndikojnë negativisht në kryerjen e detyrave të tij në mënyrë të paanshme; 2.3. angazhon jashtë procedurës një të burgosur për të kryer ndonjë punë apo për të ofruar ndonjë shërbim pa marrë lejen nga mbikëqyrësi i tij; 2.4. mosmbajtja në mënyrë të rregullt të shkresave dhe të dhënave zyrtare që kanë lidhje me vendin e punës; 2.5. largim nga vendi i punës pa autorizim; 2.6. dy (2) mungesa të pa arsyeshme brenda vitit. 3. Shkelje të rënda disiplinore për personelin e SHKK-së konsiderohen: 3.1. vjedhja, mashtrimi, falsifikimi i dokumenteve zyrtare; 3.2. dëmtimi i pronës; 3.3. ardhja në punë nën ndikimin e alkoolit apo të substancave narkotike, ose përdorimi i tyre gjatë orarit të punës; 3.4. shkeljet serioze e rregullave të sigurisë; 3.5. zbulimi i të dhënave apo informatave koifidenciale; 3.6. jep deklarata publike për Shërbimin Korrektues, pa autorizim të Drejtorit Përgjithshëm; 3.7. shfrytëzon në mënyrë të palejuar titullin apo autoritetin e tij për përfitim personal; 3.8. jep informata për të burgosurit pa autorizim; 3.9. ngacmimit seksual i ndonjë të burgosuri, të punësuar apo vizitorit; 3.10. diskriminimi në çfarëdo forme ose keqtrajtimi i drejtpërdrejtë ose tërthorazi kundër të burgosurve, zyrtarëve ose të punësuarve tjerë; 3.11. mos veprimi apo lënja pas dore e detyrës së tij si zyrtar korrektues; 3.12. mosveprimi në pajtim me ligjin, aktet nënligjore dhe rregullat e brendshme të punës; 3.13. me vetëdije apo me pakujdesi lëshon ose nënshkruan deklaratë të rremë në lidhje me përmbushjen e detyrës; 3.14. duke qenë përgjegjës, apo person me autoritet, injoron apo nuk ndërmerr masa kur një punonjës shkelë rregullat dhe detyrat e punës; 3.15. nuk i raporton autoritetet më të larta mbi çdo mall kontrabandë që zbulon tek ndonjë punonjës, i burgosur apo anëtar tjetër të publikut; 3.16. nga pakujdesia rrezikon ose shkakton dëme fizike apo vdekjen e ndonjë te burgosurit punonjësi tjetër të Shërbimit apo personi tjetër, në mënyrë të drejtpërdrejtë apo tërthorazi; 3.17. përdorë forcën e cila nuk është e kufizuar në intensitetin dhe zgjatjen e saj deri në atë masë që është e domosdoshme për të arritur objektivin legjitim; 3.18. përdorë mjetet për përdorimin e forcës në kundërshtim me ligjin dhe rregullat e Shërbimit Korrektues; 3.19. lejon ose nuundëson arratisjen e ndonjë të burgosuri; 3.20. nuk ndërmerr masat e duhura, që ka, kur ndonjë i burgosur shkelë rregulla e brendshme, sulmon një punëtor, të burgosur tjetër, ose anëtarë të publikut; 3.21. nuk jep llogari, mban pa vend, dhe keqpërdorë të hollat e pronën e publikut apo të hollat/pronën e çdo personi tjetër që i bien në dorë gjatë kryerjes së detyrës së tij; 3.22. fletë gjatë orarit të punës; 3.23. detyron, nxit apo përpiqet që me çdo kusht të detyrojë një punonjës tjetër të marrë pjesë në punë ilegale apo të palejuar, apo në shkeljen e standardeve të etikës profesionale; 3.24. nuk bën raportimin të menjëhershëm të një incidenti në institucion; Përleshet me

*punëtorët tjerë të Shërbimit apo ndonjë anëtar tjetër të publikut gjatë detyrës; 3.25. fut apo nxjerr nga burgu kontrabandë apo sende të pa lejuara; 3.26. nuk raporton te zyrtarët kompetent, rastet e keqtrajtimit të të burgosurve nga ana e punëtorëve tjerë; 3.27. nuk raporton dhe nuk merr masa ndaj shkeljeve nga të burgosurit, konform dispozitave ligjore; 3.28. fshih, mban, injoron, dëmton apo asgjëson ndonjë ankesë apo raport të bërë kundër ndonjë zyrtari ose të burgosuri; 3.29. keqpërdorimi i armës zyrtare apo humbja e saj”.*

Kolegji i Këshillit, në bazë të provave materiale të lëndës, ka konstatuar se sipas Raportit mbi gjendjen shëndetësore të paraburgosurve/burgosurve të datës 04.09.2023 për të burgosurin N.D sipas rekomandimit të mjekut është rekomanduar mbikëqyrej e shtuar çdo 10 minuta, sipas Raportit mbi gjendjen shëndetësore të paraburgosurve/burgosurve të datës 08.09.2023 për të burgosurin I.R sipas rekomandimit të mjekut është rekomanduar mbikëqyrej e shtuar çdo 20 minuta e të cilët kanë qenë në Krahun P-2, Krahu -3 L-3 dhe Krahu L-5.

Bazuar në raportin e punës për mbikëqyrjen e Institucioneve Korrektuese të datës 18.10.2023 të përgatitur nga Ekipi për mbikëqyrjen e Institucioneve Korrektuese i cili më datë 13.10.2023 ka vizituar Qendrën e Paraburgimit në Gjilan, konstatohet se lidhur me Menaxhimin e të Burgosurve me Probleme të Shëndetit Mendor, gjatë shikimit të video incizimeve të sistemit CCTV të datës 11/12.10.2023 nga ora 23:55 është vërtetuar se zyrtarët korrektues nuk kanë vepruar sipas obligimeve dhe përgjegjësit që kanë sipas detyrës zyrtare me çrast ndaj të burgosurve N.D dhe I.R nuk është bërë mbikëqyrja e shtuar nga zyrtarët të cilët kanë qenë në detyrë në pavijonet përkatëse ku kanë qenë të vendosur këta të burgosur konkretisht krahun P-2, krahun L-3 dhe Krahun L-5, gjegjësisht është konstatuar se zyrtarët korrektues të cilët kanë qenë në detyrë nuk kanë bërë mbikëqyrjen e duhur sipas rekomandimeve.

Andaj lidhur me pretendimin ankimor të ankuesit i cili pretendon se Komisioni Disiplinor nuk ka marr parasysh provat e lëndës ngase më datë 10.10.2023 prej orës 07-19 kam qenë në punë dhe prej datës 11.10.2023 nga ora 19:00 deri më datë 12.10.2023 në orën 07:00 kam qenë në punë ndërsa për datat 12.10.2023 nga ora 07:00 deri më datë 14.10.2023 në orën 07:00 kem pasur ditë të lira dhe nuk kam qenë në punë, Kolegji i Këshillit, konstaton se ankuesi ka qenë në punë më datë 11.10.2023 nga ora 19:00 me orar 12 orësh, respektivisht deri më datë 12.10.2023 në orën 07:00, si rezultat i kësaj, edhe në raportin e punës për mbikëqyrjen e Institucioneve Korrektuese të datës 18.10.2023 të përgatitur nga Ekipi për mbikëqyrjen e Institucioneve Korrektuese por edhe në Vendimin KD.nr.062/2023 të datës 16.11.2023 të Komisionit Disiplinor të Shërbimit Korrektues të Kosovës konstatohet se zyrtarët korrektues nuk kanë bërë mbikëqyrjen e të burgosurve për datën 11 dhe 12 të muajt tetor 2023, që nënkupton se përputhet edhe me kohën kur ankuesi ka qenë në detyrë, për rrjedhojë pretendimi i ankuesit nuk është i bazuar, sepse ankuesi në seancë të Komisionit Disiplinor të datës 26.10.2023 nuk ka theksuar që në ato ditë nuk ka qenë në orar të punës.

Sa i përket ligjshmërisë së vendimit të kundërshtuar me ankesë respektivisht Vendimit KD.nr.062/2023 të datës 16.11.2023 të Komisionit Disiplinor të Shërbimit Korrektues të Kosovës, Kolegji i Këshillit konstaton se për krahun P-2, krahun L-3 dhe Krahun L-5, janë plotësuar formularët e mbikëqyrës së të burgosurve, mirëpo sipas gjendjes faktike e të

përkthuar në raportin e punës për mbikëqyrjen e Institucioneve Korrektuese të datës 18.10.2023 të përgatitur nga Ekipi për mbikëqyrjen e Institucioneve Korrektuese gjendja sipas incizimit të kamerave nuk është ajo si është përkthuar në formular.

Duke marr parasysh konstatimet si më lartë, Kolegji i Këshillit, konstaton se ankuesi lidhur me veprimet apo mos veprimet e tij, ka vepruar në kundërshtim me përkthimin e detyrave të punës, ka bërë shkelje disiplinore të parapara me nenin 56 paragrafi 4 nën paragrafi 4.1, 4.2, 4.4 dhe 4.20 të Ligjit Nr. 08/L-197 për Zyrtarët Publikë ndërlidhur me nenin 58 paragrafi 3 nën paragrafi 3.4, 3.11 dhe 3.12 të Ligjit Nr. 08/L-131 për Shërbimin Korrektues të Kosovës, kështu që duke marr parasysh këtë, Kolegji i Këshillit konstaton se Vendimi KD.nr.062/2023 të datës 16.11.2023 i Komisionit Disiplinor të Shërbimit Korrektues të Kosovës, është nxjerr në pajtim me nenin 55 paragrafi 1, 56 paragrafi 4 nën paragrafi 4.1, 4.2, 4.4 dhe 4.20, nenin 57 paragrafi 2 nën paragrafi 2.1, nenin 58 paragrafi 2, nenin 61 paragrafi 1, 2 dhe 4 të Ligjit Nr. 08/L-197 për Zyrtarët Publikë, nenin 58 paragrafi 3 nën paragrafi 3.4, 3.11 dhe 3.12, nenin 59 paragrafi 1 nën paragrafi 1.2 dhe paragrafi 2 të Ligjit Nr. 08/L-131 për Shërbimin Korrektues të Kosovës dhe dispozitat të Rregullores (QRK) Nr.11/2020 për Disiplinën dhe Ankesat e Zyrtarëve Publikë, për rrjedhojë pretendimet ankimore të ankuesit janë të pabazuara.

Theksuar si me lart, Kolegji duke u bazuar në nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij vendimi.

*Këshillë juridike: Vendimi hyn në fuqi në ditën e nënshkrimit nga Kryetari i Kolegjit. Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Iniciumi i konfliktit administrativ nuk e ndalin ekzekutimin e këtij vendimi.*

## KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda me numër A.nr.1508/2023

Ilire MEHEMTI-SHAQIRI

Zyrtar i Lartë për Bashkëpunim Profesional

Vendimi i dërgohet:

- Ankuesit,
- Udhëheqësit të Burimeve Njerëzore në Shërbimin Korrektues të Kosovës; dhe
- Arkivit të KPMSHCK-së.

Malsore GASHI-BAJRAKTARI

Kryetar i Kolegjit